

Vanzgyangh: Cuengh Gun Song Sawvah Hagdangz Gap Banh “Sam Nyied Sam”

环江：壮汉双语学校联合举办“三月三”

4 nyied 17 hauh, Vanzgyangh Mauznanzcuz Swciyen Swh'wnh Cunghsinhyau Yinzhoz Siujyoz gwnz cauhsangz gyonglaz gok sasa、angq fwngfwng, Swh'wnh Cin 6 aen Cuengh Gun song sawvah siujyoz 300 lai boux lauxsae hagseng caeuq seiqhenz mbanj 200 lai boux vunzlai angqcomz youq gizneix caez angqhoh “sam nyied sam” ngoenzciet conzdungj Bouxcuengh.

Dang ngoenz hozdung lai cungj lai yiengh, miz bau aendomq、haizgieg raez byaij vaiq、ndwn maxfaex、diuq fouxfaexsax daengj minzcuz diujuz doxdax hozdung caeuq hag guh gijwn ndeigwn Bouxcuengh, guh diujfoux、habciengq、siujbinj、hoenxgienz daengj biujyienj, gyoengq vunzhung henzmbanj caemh biujyienj le foux saeceij caeuq minzsuz baijyienj daengj, vunzlai bek fwngz haenh mbouj dingz.

(Swh'wnh Cunghsinhyau)



▲ Gyoengq bouxyienj lauxnyaeq hab'ingj.

Denzyangz: Minzcuz Vwnzva Haeuj Youwzyenz

田阳：民族文化进幼儿园

4 nyied 23 hauh, gyoengq lwgnyez Denzyangz Yen Daih'it Youwzyenz youq ndaw yenz banh “minzcuz vwnzva gyauyuz” cawjdaez hozdung, gyoengq lwgnyez ndang daenj buhvaq minzcuz, youq lauxsae daiqlingx lajde guh gyaeq lai saek、diuq fouxfaexsax、bau ciep aendomq caeuq biujyienj langhbaij buhvaq minzcuz daengj, oenq nyumx ciepsouh minzcuz conzdungj vwnzva.

(Luz Gez/陆杰 Linz Mei-vah/林妹花)



▲ Gyoengq hagseng youwzyenz daenj buhvaq minzcuz youq gwnz daizheiq langhbaij.



▲ Hagseng yungh vah bonjdieg doxdax gangj gojgaeq.

Lungzswng:

Yungh Vahbonjdieg Gangj Gojgaeq Langh-yienj Rengzhoengh Vwnzva Minzcuz 龙胜：用民语讲故事 展民族文化魅力

4 nyied 23 hauh, youq daih ngeihcib sam aen “ngoenz doegsaw seiqgyaiq” daeuj daengz seiz, Lungzswng Gak Cuz Swciyen gawjbanh daihhaj gaiq vah minzcuz gangj gojgaeq、yienjgangj doxdax nem gyaez guek cuji doegsaw gyauyuz hozdung, doenghboux senjsouj camgya doxdax haenx yungh vah siujsoq minzcuz bonjfaenh daeuj gangj gojgaeq caeuq yienjgangj, dawz doegsaw caeuq hungzyangz minzcuz vwnzva doxgap hwnjdaej, cungfaen langhbaij rengzhoengh minzcuz vwnzva, hwng cau le gij fwnveiz noengznaek “bouxbox gyaez doegsaw, bouxboux doeg saw ndei”.

(Vuz Swngbinh/吴生斌)

Swwhyenz: Banh Gaiq Daih'it Cietyaebcaz

资源：举办首届采茶节



▲ Hagseng Gvangjsih Swhda youq gwnz daizheiq yienjheiq.

4 nyied 24 hauh, Swwhyenz Yen Hozgouj Yauzcuz Yangh Cunghbingz Cunh Mbanjbingzsuij ciengq go youh diuq foux, ciengz vwnzyi yienjok angqhoh gaiq daih'it cietyaebcaz Yauzcuz aeu “mup caz ranzmbanj·cimz raemx Binjbingz·bang vutgungz” ma guh cawjdaez haenx youq gizneix gawjhengz, nauhyied dangqmaz.

Ngoenz haenx Gvangjsih Swhda、Swwhyenz Yen Feihyiz Swncien Baujhoh Caeuq Lajmbanj Vwnzyi Fuzvu Cungsim lij lienzhah soengq vwnzyi haeuj mbanj hozdung, yienj le baenzdauc cingbinj vwnzyi cizmuz.

Ciuq cam rox, Cunghbingz Cunh geij bi neix daeuj gaenmaenx cauxguh it mbanj it binjcungj doengzseiz, cungfaen fatok swnghdai vanzging ndei、minzcuz fungcingz noengz、vwnzva saekhoengz ndei daengj gij ndei doi guh lajmbanj lijyouz hwngfat, roengzrengz doi guh cingcinj bang gung、laebdaeb vut gungz.

(Suh Siujginz/舒小琴)